




小學句讀集疏

善行上

九

2788
11/10



2738
卷11-10

小學句讀集疏卷之九

益軒貝原先生鑿定

竹田定直編次

善行第六註

此篇紀漢以來賢者所行之善行以實立教明倫敬身也凡八十一章

呂榮公名希哲字原明中國正獻公之長子正獻公居家簡重實默不以事物經心而中國夫人性嚴有法度雖甚

愛公然教事事循蹈規矩註

長上聲下同○正獻公名公著字晦叔相宋封中國

公簡簡要重重厚寡省事默慎言也事物謂外事外物經猶榮也蹈猶行也規矩喻禮度事事依循禮度而行下文所言疏呂氏家傳○呂榮公見嘉言○正獻公宋哲宗朝是也

小學集疏

卷之九

善行



正獻正獻公文靖公夷簡亦封申國公所謂大小申公也見宋史列傳九十五及言行錄後集八〇申國夫人呂正獻公之夫人參政魯宗道字貫之之女妻從夫諡故稱申國夫人魯宗道見宋史列傳四十五〇註經猶縈也定直按經經歷也與下文經於耳經字同言經歷於心也經心即縈心故曰猶縈也章句曰猶營也意同合璧亦曰不以事物經南十歲祁寒暑雨侍立終日不命之坐不敢坐縈於心也

也日必冠帶以見長者平居雖甚熱在父母長者之側不得去巾襪縛袴衣服唯謹註去上聲縛音篆〇甫始祁大

者亦謂之偏首之中足之機脛之縛袴疏君牙〇註縛音身之衣服皆不得去謹則又加整飭矣

篆標題曰縛字從糸從專柱究反說文繞也又鮮色字出周禮左傳爾雅正文皆音象又曰縛袴語出宋書沈慶之戎服履絪縛袴〇偏見內則

今人謂之行膝橫繞脛者

行步出入無得入茶肆酒肆

市井里巷之語鄭衛之音未嘗一經於耳不正之書非禮

之色未嘗一接於目註鄭衛二國名其音淫熊氏曰足不安行耳不安聽目不安視也

肆市舍也〇市井字彙市交易之處井共汲之所古於汲水處為市故稱市井莊子徐無鬼篇商賈無市井之事則不比林註市井商販之事也比和樂也〇鄭衛之音朱子曰鄭衛之樂皆為淫聲〇張子曰衛國人心怠惰其聲音亦淫靡故聞其樂使人懈慢而有邪僻之心鄭詩效之〇定直按鄭衛之樂淫靡故後世稱淫樂為鄭衛之音不必止二國之音〇衷旨

正獻公通判潁州歐陽公通知州事

焦先生千之伯強客文忠公所嚴毅方正正獻公招延之使教諸子諸生小有過差先生端坐召與相對終日竟夕不與之語諸生恐懼畏伏先生方略降辭色註潁州郡名歐陽公名

修字永叔諡文忠焦先生名千之字伯強時寓歐陽公家諸子諸生皆謂榮公及其弟也端正也降猶舒也解也

疏 書言故事註通判判一府之事也○事物紀原知判條曰知曰知其官判曰判其官又曰國家初置諸州通判

楊文公談苑曰太宗始置即古監郡也宋朝會要曰建隆四年命賈玘等充荆南諸州通判○通鑑宋太祖乾德元

年初置諸州通判凡軍民之政皆統治之事得專達與長吏均禮大州或置二員又令節鎮所領支郡皆直隸京師

得自奏事不屬諸藩於是節度使之權始輕○歐陽公傳見宋史列傳七十八及言行錄英宗朝參知政事皇祐元

年知穎州呂公通判州事○焦千之丹徒人歐陽修勉之棄科舉學而專意經術○標題曰歐集有送焦千之秀才

詩知穎州時作○招延之云々衷旨曰延師教子得易子而教之矣諸生章句曰自正獻公言為諸子自焦先生言

為諸生○終日竟夕章句曰或終一日或終一夕也○恐懼畏伏合璧曰悔悟知改○降辭色合璧曰舒緩言辭顏

待色而**時公方十餘歲內則正獻公與申國夫人教訓如此**

之嚴外則焦先生化導如此之篤故公德器成就大異眾

人公嘗言人生內無賢父兄外無嚴師友而能有成者少

矣註 行成曰德疏程子曰天下英才不為少矣特以教化才成曰器

外篇多引呂氏如正獻公榮公及舜從呂舍人即一門祖孫正獻至東萊六代呂舍人有雜志童蒙訓東萊先生有

小學辨志錄○呂榮公張夫人待制諱温之之幼女也最鍾愛

然居常至微細事教之必有法度如飲食之類飯羹許更

益魚肉不更進也時張公已為待制河北都轉運使矣註

温音温使去聲○夫人榮公之妻待制官名諱即名也生曰名死曰諱鍾聚更再益增也都轉運使亦官名張公已

貴顯矣而示女子以儉約如此非特**疏**童蒙訓○鍾愛章教子者所當法亦守官者所當法也

甚愛也○待制祕笈新書曰唐永徽中命弘文館學士一人日待制於武德殿云云唐職林據紀元云永徽中詔許敬宗每日待制於武德殿此始有待制之名永泰元年勅裴冕等並集賢待制此始有待制之所然則蓋唐設官也○品之字景山見宋史列傳六十二○都轉運使事文類聚曰宋初曰勾當計度轉運事又有轉運判官太平興國初皆曰使兩省以上則為都轉運使○註定直按句讀謂示之以儉約然不是特示儉正是嚴規矩而戒貪縱及

夫人嫁呂氏夫人之母申國夫人姊也一日來視覓舍

後有鍋釜之類大不樂謂申國夫人曰豈可使小兒輩私

作飲食壞家法耶其嚴如此註鍋音戈釜音甫樂音洛○張待制呂正獻公皆魯參

政宗道之婿疏呂榮公與張夫人並唐陽城為國子司業引

諸生告之曰凡學者所以學為忠與孝也諸生有久不省

親者乎明日謁城還養者三十輩有三年不歸侍者斥之

註養去聲○唐李氏王天下之號城疏唐書列傳百十九

德宗時拜諫義大夫後下遷國子司業卒贈左散騎常侍

○國子司業事物紀原曰隋煬帝大業三年始於國子監

置司業官取禮記樂正司業之義○杜祐通典曰煬帝大

業三年於國子監初置司業一人禮曰樂正司業父師司

成因以為名云云凡祭酒司業皆儒之重官非其人不可

○有久不省親者乎合璧曰諸生今在太學之內有久不

回家省視其父母者乎○註李氏王天下之號唐高祖姓

李名淵字叔德襲父唐公爵因為有天下之號隋末起兵

受恭帝禪○安定先生胡瑗字翼之患隋唐以來仕進尚文辭

而遺經業苟趨祿利及為蘇湖二州教授嚴條約以身先

之雖大暑必公服終日以見諸生嚴師弟子之禮解經至

有要義懇懇為諸生言其所以治已而後治乎人者學徒
 千數日月刮磨為文章皆傳經義必以理勝信其師說敦
 尚行實後為大學四方歸之庠舍不能容註

為諸之為去聲磨音磨傳音附行去聲○條教條約約束
 以先之謂躬行以率之要義即治己治人之道懇懇切
 到之意治已而後治人明體適用之學也刮磨刮磨光
 也兼文行而言傳依也必以理勝不尚辭也信尊信也安
 定後為國子直講四方學疏墓表歐陽公又墓誌蔡君謨
 者歸之故庠舍不能容○胡安定見嘉言廣明倫條
 內○標題先生泰州如泉人今本州有安定書院按蔡君
 謨作墓誌宋景祐中為蘇湖二州教授皇祐末年為國子
 直講管勾大學嘉祐初天章閣待制仍領學事○章句曰
 隋唐以來進士以詩賦專尚浮華明經以隱僻專尚帖括
 六經大義皆不之講故曰尚文辭而遺經業○合璧曰病
 隋朝唐朝以來設科取士之法其出仕進用者專尚文辭

浮華而遺東經書要義聖賢事業皆不講明苟且貪求俸
 祿財利其弊流于今日未除敬齋胡氏曰後世純用文詞
 取士空言無實進士是場帝做殿試是則天武后做起○
 章句曰條約教法之條件禁約也○又曰要義言治已治
 人之緊要道理者○合璧曰解釋經書至有緊要意義懇
 懇然誠實切到為諸生講明之○章句曰安定後為國子
 直講故曰為大學○註約束按字書言語要結戒令檢束
 皆曰約束約又音要束又商遇切兩音字義同○明體適
 用集成言行錄載公在蘇湖二州教學者必以明體適用
 為本仁宗朝劉彝賜對上問曰卿師何人彝對曰臣少從
 學於安定湖先生瑗瑗以道德仁義教東南諸生臣聞聖
 人之道有體有用有文有君臣父子仁義禮樂歷世不可變
 者其體也詩書史傳垂法後世者其用也國家累朝取士不
 能潤澤其民歸于皇極者其用也國家累朝取士不以體
 用為本而尚聲律浮華之詞是以風俗偷薄臣師瑗當寶
 元明道之間以體用之學授諸生故今學者明夫聖人體
 用以為政教之本者臣師之力也○刮磨其光澤○字彙
 文進學解○合璧曰刮去其昏垢○潤其光澤○字彙

音磨削也剗也其在湖學置經義齋治事齋經義齋者擇切也剗摩也

疏通有器局者居之治事齋者人各治一事又兼一事如

治民治兵水利算數之類其在大學亦然註疏通謂材識

謂器局疏各治一事又兼一事合璧曰每人各隨其材之

正大疏所長而教之專治一事其或材有兼長者則又

兼治一事又曰各以其材而任之也○在大其弟子散在

學亦然合璧曰設教之法亦依此條約而行

四方隨其人賢愚皆循循雅飭其言談舉止遇之不問可

知為先生弟子其學者相語稱先生不問可知為胡公也

註飭音勅○循循雅正謹飭之貌言動皆雅飭故遇之則

定疏合璧曰天下學者皆宗之教出於一門相講稱其師

盛何故無傳朱子曰當時所講止此只些門人受○明道

去做官死後便已嘗言劉彝善治水所至興水利

先生言於朝曰治天下以正風俗得賢才為本註朝音朝

上所化俗者下所習賢有德者才有能者二者固治天下

之本然得賢材斯可以正風俗則得賢才又正風俗之本

也疏此章明道文集二載之其文甚詳朱子略取其要近

下所習謂之俗○表旨曰為本見治天下不止于化謂之風民

此而亦不外于此○註二者謂正風俗得賢才宜先禮

命近侍賢儒及百執事悉心推訪有德業充備足為師表

者其次有篤志好學材良行修者延聘敦遣萃於京師

俾朝夕相與講明正學註好行並去聲下同○悉盡也推

禮敦遣謂送之以禮萃聚京師疏吳氏曰近侍賢儒謂近侍

大師眾也天子之都曰京師疏儒官百執事謂朝之百職

○袁旨曰此專以得賢才為主見賢才得而風俗可正○
延聘敦遣章句曰延聘以禮招延聘召也敦遣厚其禮儀
以送之至也○合璧曰朝廷以禮招聘之有司以禮敦送
之○陳祚曰正學古昔聖人仁義中正之學也○註京大
師衆公羊傳曰京大也師衆
也天子之居必以衆大言之

其道必本於人倫明乎物理
其教自小學灑掃應對以往修其孝悌忠信周旋禮樂其
所以誘掖激勵漸摩成就之道皆有節序其要在於擇善
修身至於化成天下自鄉人而可至於聖人之道註灑掃

聲漸音尖○誘之掖之使有進激之勵之使無退漸之摩
之使不苦其難皆所以成就之正學不出乎人倫物理而
已灑掃應對以至周旋禮樂小學之教也誘掖激勵漸摩
成就之成其始也擇善修身以至化成天下大學之教也
自鄉人而至於聖人之道成其終也○疏葉氏曰大而人倫小而物理皆道之
人之道成其終也○疏體也○袁旨曰孝悌即人倫也忠信

是孝悌之真心周旋禮樂即明物理也○章句曰周旋動
作之儀也禮即內則所謂學幼儀樂即誦詩舞勺舞象也
○吳氏曰以言教引曰誘以手持曰掖激謂激作勵謂
勉勵漸謂水之浸物摩如石之攻玉成就謂成就其材器
而興之漸摩則有漸成就則周足擇善者致知格物也修
身者誠意正心修身也化成天下者齊家治國平天下其
也鄉人鄉里之常人孟子曰我猶未免為鄉人是也

其
學行皆中於是者為成德取材識明達可進於善者使日
受其業擇其學明德尊者為大學之師次以分教天下之

學註行中並去聲○中於是謂合於小學大學之教者以
盛德為師取材識之明達者受其教及學之既成上
者使教國學其次以分教州縣疏章句曰中於是謂學行
之學也此三節言擇師之法
成德者為之師而取材擇士入學縣升之州州賓興於大
識明達之士受其教

學大學聚而教之歲論其賢者能者於朝註

朝音潮○縣謂縣學州謂

州學王制曰論定然後官之

疏

賓興見立教○合璧曰州學之有賢能者有司以鄉飲酒之禮尊之以為賓舉

而薦之於大學○葉氏曰此倣周禮鄉大夫賓興司馬論士之制○章句曰論於朝者將官之也此擇士之次第也

○註論定官之王制曰論進士之賢者以告于王而定其論論定然後官之任官然後爵之位定然後祿之

選士之法皆以性行端潔居家孝悌有廉恥禮讓通明學

業曉達治道者註

選亦擇也此兩節言擇士之法朱子曰明道論學制最為有本讀之未嘗不慨

然發疏及於天下其與後世以文詞記誦取士者有間○章句曰此擇士之科條也

伊川先生看詳學制大槩以為學校禮義

相先之地而月使之爭殊非教養之道請改試為課有所

未至則學官召而教之更不考定高下註

伊川嘗充崇政殿說書同孫覺

等看詳國子監條制相先猶相尚月使之爭謂月有試以較其高下是使之爭競也

疏

說書事物紀原曰宋朝會要仁宗景祐元年詔以賈昌朝為崇政殿說

書明道元年翰林侍講孫奭年老乞外郡上問誰可代充

講官奭舉昌朝等至是始特置此職○孫覺排韻曰字輩老與喬執中秦火游齊名號三賢○古今原始曰晉改大

學為國子監制尊賢堂以延天下道德之士鑄解額以去利誘

省繁文以專委任勵行檢以厚風教及置待賓吏師齋立

觀光法如是者亦數十條註

鑄子全切解居隘切去上聲行去聲○制置也延待也鑄

謂刻定之解猶貢也額猶數也宋元豐中以利祿誘士國學解額增至五百人來者奔湊程子蓋欲量留百人餘四

百分於州郡使士人各安鄉土也省減也繁文史牘之類師儒之官不責以小文所以專委任也行檢謂行誼名檢

待實齋所以待行能可實敬者吏師齋則通於治道可為
 吏之師法者居之觀光謂觀見國之盛德光輝立觀光法
 蓋以處來疏延天下道德之士使學者有所矜式也○解額自
 學之士也○禮道道德之士使學者有所矜式也○解額自
 鄉所貢之學士之數也○觀光易觀卦六四觀國之光程
 傳曰觀見國之盛德光輝也○觀光法見二程全書六十
 一卷學制部○章句曰觀光謂四方士人願觀光者堂儀
 引入觀禮儀聽絃誦也○朱子曰明道集中所論學制最
 為有本每讀其書觀其論講學處未嘗不慨然發歎恨不
 生於彼時也伊川元祐所定條制立尊賢堂之類亦是此
 意○註國學學記註陳氏曰天子所都及諸侯國中此
 謂之國學○宋元豐中云云元豐神宗年號○近思錄載
 伊川先生云自元豐後設利誘之法增國學解額至五百
 人來者奔湊捨父母之養忘骨肉之愛往來道路旅寓他
 州郡解額窄處自然士人各安鄉土養其孝愛之心息其
 奔趨流浪之志風俗亦當稍厚○章句曰宋國學解額嘉
 祐以前一百人云云○熊氏曰解額按州郡貢士舊無定

額宋真宗大中祥符八年因諸道貢舉人數減於常年始
 立額州郡貢士有定額後或特旨增放○繁文史牘之類
 章句曰繁文錢物簿書期會之文也○名檢以名節檢身
 務其實也○立觀光法以處來學合璧曰觀見上國之盛
 德光輝天下學士聞風興起不患教化不歸于厚也○藍田呂氏鄉約曰凡同約者

德業相勸註

藍田縣名呂氏兄弟四人中大防大鈞大

善必行聞過必改能修其身能治其家能事父兄能教子
 弟能御僮僕能事長上能睦親故能擇交游能守廉介能
 廣施惠能受寄託能救患難能導人為善能規人過失能
 為人謀事能為眾集事能解鬭爭能決是非能興利除害
 能居官舉職業謂居家則事父兄教子弟待妻妾在外則
 事長上接朋友教後世御僮僕至於讀書治田營家濟物
 如禮樂射御書數之類皆無益疏曰呂氏兄弟六人其五登
 為之非此之類皆為無益疏曰呂氏兄弟六人其五登
 科宋史有大防大忠大鈞大臨四人傳淵源錄所收止大
 忠大鈞大臨三人此三人皆從橫渠學而卒於二程者也

大防傳云所著有鄉約今觀朱子語錄則又以鄉約為大
 鈞著矣宋史龐雜語錄要得其實橫渠教人以禮為先固
 宜呂氏兄弟人好禮然遺書載橫渠之言謂秦俗之化
 亦先自和叔有力焉和叔大鈞字也似亦足以證鄉約之
 出於大鈞矣○朱子增損呂氏鄉約見文集七十四卷及
 性理大全五十一卷○呂氏兄弟傳見宋史列傳九十九
 ○註大中大防大約大臨標題呂氏長大忠字進伯次大
 防字微中次大鈞字和叔次大臨字與叔○定直按句讀
 大忠作大中大約作大約蓋傳寫之誤
 ○本註呂氏本註○集事集成也就也
 過失相規註規猶
 本註犯義之過六一曰酗博闕訟二曰行止踰違三曰行
 不恭遜四曰言不忠信五曰造言誣毀六曰營私太甚不
 修之過五一日交非其人二曰遊戲怠惰三曰疏本註之解
 曰動作無儀四曰臨事不恪五曰用度不節六曰營私太甚不
 謂縱酒喧競博賭博財物一闕謂毆罵詈訟謂告人罪
 惡意在害人誣賴爭訴得已不已者皆酗博闕訟之過踰
 禮違法眾惡皆是行止踰違之過侮慢齒德持人長短恃
 強凌人知過不改聞諫愈甚此行不恭遜之過或為人謀

事陷人於惡或與人要約退即背之或妄說事端熒惑眾
 聽此言不忠信之過誣人過惡以無為有以小為大面是
 背非或作嘲咏匿名文書及發揚人之私隱無狀可求及
 喜談人之舊過者此造言誣毀之過與人交易傷於搭克
 專務進取不恤餘事無故而好干求假貸受人寄託而有
 所欺此營私太甚之過所謂犯義之過六是也交非其人
 者所交不限士庶但凶惡及游惰無行眾所不齒者而已
 朝夕與之游處也游戲怠惰者游謂無故出入及謁見人
 止務閑適者戲謂戲笑無度及意在侵侮或馳馬擊鞠而
 不賂財物者怠惰謂不修事業及家事不治門庭不潔者
 也動作無儀者謂進退太踈野及不恭者不當言而言及
 當言而不言衣冠太華飾及全不完整不衣冠而入街市
 是也臨事不恪者主事廢忘期會後時臨事怠慢也用度
 不節者謂不計有無過為多費者不能安貧非道營求者
 所謂不修禮俗相交註本註謂婚姻喪葬祭祀之
 之過五也禮俗相交註禮往還書問慶弔之節患難相
 恤註難去聲○本註一曰水二曰盜賊三曰疾疏本註
 病四曰死喪五曰孤弱六曰誣枉七曰貧乏疏之解

小學集疏 卷之九 善行

朱子曰水火小則遣人救之甚則親往多率人救且弔之盜賊近者同力追捕有力者為之官司其貧家則為之助出募賞疾病小則遣人問之甚則為訪醫藥貧則助其養病之費死喪闕人則助其幹辦乏財則賻贈借貸孤弱孤遺無依者若能自贖則為之區處替其出內或聞於官司或擇人教之及為求婚姻貧者叶力濟之無令失所若有侵欺之者眾人力為之辨理若稍長而放逸不檢亦防察約束之無令陷於不義誣枉有為人誣枉過惡不能自伸者勢可以聞於官府則為言之有方略可以救解則為解之或其家困而失所者眾共以財濟之貧乏有安貧守分而生計太不足者眾以財濟之

有善則書手籍有過若

違約者亦書之三犯而行罰不悛者絕之註

悛音詮○若及也悛改也

絕之使不與約也 **疏** 合璧曰凡有善行者則書於民籍示以為勸為戒至三、次亂約而行之以責罰不改者眾棄絕之使不與約也 ○明道先生曰教人自

致知至於知止誠意至於平天下灑掃應對至於窮理盡

性循循有序註

灑掃並去聲○格物致知所以求所以止誠意正心修身齊家治國平天下所以求

得所止灑掃應對小學之教也窮理即致知至於知止之事盡性即誠意至於平天下之事大學之教也循循有次序貌謂先習之於小學而後進之於大學而大學之教又自有其序矣 **病世之學者捨近而**

趨遠處下而闕高所以輕自大而卒無得也註

闕音窺○病患也趨

奔也闕猶闕也卒終也此學者之大病程子教人循循有序蓋病乎此矣吳氏曰行遠自近外高自下學之序也自大小學之序言之灑掃應對近者下者也窮理盡性高者遠者也以大學之序言之格物致知誠意正心修身非近下者乎齊家治國平天下非高而遠者乎 **疏** 章句曰致知近而下也知止遠而高也灑掃應對近而下也平天下遠而高也 ○吳氏曰子朱子輯小學書引明道教人之法以實立教之終讀者勉焉

註行遠自近云云中庸曰君子之道辟如行遠必自近辟如登高必自下○尚書大甲下若升高必自下若陟遐必自邇

右實立教註

凡八疏定直按京兆李氏曰首二章實立教

後一章實立教師弟子之教其序略與立教同也章句以首二章作言教在於幼次五章末一條作鄉黨之教末章以為言教有本末而學者必以漸乃能至也章句較精矣

江革少失父獨與母居遭天下亂盜賊並起革負母逃難

備經險阻常採拾以為養數遇賊或劫欲將去革輒涕泣

求哀言有老母辭氣愿款有足感動人者賊以是不忍犯

之或乃指避兵之方遂得俱全於難註

音少難養並去聲數音朔愿音願○革

字次翁漢臨淄人負謂以背負之備經險阻謂偏歷道路之數危採拾謂採取艸木之可食者數頓也劫欲將去謂

欲脅革以去也愿款誠懇也俱全謂母子皆保全也疏後漢書列傳二十九○以下

王莽末年也○註革字次翁一字轉客下邳貧窮裸跣行

傭以供母便身之物莫不畢給註

裸魯果切跣蘇典切傭音庸○轉客猶飄泊下

邳郡名裸露身跣露足行傭為雇工也便身之物謂母身所便安之物畢猶皆也給猶足也革困於寒餒而養母乃如此可謂能竭其力矣疏章句曰轉客轉徙也又曰行傭為人役以

歸鄉里由是鄉里稱之曰江巨孝大守嘗備禮召革以母老不應明帝永平初舉孝廉章帝建初初舉賢良方正再

遷司空長史章帝甚崇禮之後拜諫議大夫以病歸元和

孝之稱行於天下及卒詔復賜穀○薛包好學篤行父娶後妻而憎包分出之包日夜號泣不能去至被毆杖不得

已廬于舍外旦入而灑掃父怒又逐之乃廬於里門晨昏
不廢積歲餘父母慚而還之後服喪過哀註好行灑掃並

毆音嘔○包字孟嘗漢汝南人不能猶不疏後漢書列傳

忍里門巷門也不廢謂不廢定省之禮平傳序○標題薛包後漢安帝建光元年公車徵至拜侍

中包性恬虛稱疾不起賜告歸年八十餘以壽終分出

而吳氏曰分異而逐之示蒙句解云薛包以孝誠感悟頑

惡之父母其於既而弟子求分財異居包不能止乃中分

其財奴婢引其老者曰與我共事久若不能使也田廬取

其荒頓者曰吾少時所理意所戀也器物取其朽敗者曰
我素所服食身口所安也弟子數破其產輒復賑給註去少

聲戀龍眷切數音朔復去聲既謂服喪已也弟子弟及

其子也中分均分也共事同事也若汝也指弟子荒謂田

畝荒蕪頓謂廬疏章句曰弟子謂弟及諸姪也古人姪亦

舍傾頓服用也疏謂之子又曰熊氏曰奴婢取老而曰若

不能使所以安子弟之心也三者皆舍美而取惡蓋以父

母之所愛為心非為矯也衷旨曰設詞以掩其心不欲

令弟知之也京兆李氏曰子之於親一體而分如魚依

水不能斯須相離也離則寇矣兄之於弟分形連氣如手

之與足不能不相愛也不相愛則傷之者至矣包之不幸

始也父出之積歲餘而始還之終也弟子分異之雖中分

其財卒復賑給之可謂善處所難而不失其正後世父子

異居以為順命兄富弟貧不相救濟以為衣食各異者其

哉可○王祥性孝蚤喪親繼母朱氏不慈數譖之由是失愛

於父母使掃除牛下祥愈恭謹父母有疾衣不解帶湯藥

必親嘗母嘗欲生魚時天寒冰凍祥解衣將剖冰求之冰

忽自解雙鯉躍出持之而歸母又思黃雀炙復有雀數十
飛入其幕復以供母鄉里驚嘆以為孝感所致有丹柰結
實母命守之每風雨祥輒抱樹而泣其篤孝純至如此註

數音朔諧則襟切剖普厚切炙音拓幕音莫○祥字休徵
晉瑯琊人親母也諧毀也失愛於父不得父之愛也牛下
牛糞剖破也炙炙肉驚嘆驚異嗟嘆也孝感謂
魚雀之至皆孝誠之感動也丹紅色柰果名
溫公家範○王祥瑯琊臨沂人漢諫議大夫吉之後也祖
仁青州刺史父融公府辟不就漢末遭亂扶母攜弟覽避
地廬江隱居三十年不應州郡之命母終居喪毀瘠杖而
後起徐州刺史呂虔檄為別駕祥年垂耳順固辭不受覽
勸之為具車牛祥乃應召虔委以州事政事大行時人歌
之曰海沂之康實賴王祥邦國不空別駕之功舉秀才
遷大尉武帝踐祚拜大保進爵為公加置七官之職見本
傳○章句曰抱樹而泣者恐傷柰實嗚親意也○或問程

子曰王祥孝感事是通神明否曰此亦是通神明一事此
感格便是王祥誠中來非王祥孝於此而物來於彼也○
朱子曰王祥孝感只是誠發於此物感於彼王祥自是王
祥魚自是魚世間事雖千頭萬緒其實只一箇道理一
分殊之謂也至感通處自然相應或自此發出而感於外
或自外來而感於我皆一理也○定直按程朱之說都是
一意思通之理猶明鏡移影不是物來不是鏡往
○王夏字偉元父儀為魏安東

將軍司馬昭司馬東關之敗昭問於眾曰近日之事誰任
其咎儀對曰責在元帥昭怒曰司馬欲委罪於孤耶遂引

出斬之註哀蒲侯切○儀哀父名魏曹氏篡國之號上司

馬昭之司馬也東關地名敗謂戰疏晉書孝友傳○司馬
敗咎罪也元帥稱昭孤昭自稱也昭字子上司馬懿之
子司馬師之弟蓋文王武帝受禪追尊號曰文帝廟稱大
祖見晉本紀二司馬事物紀原曰曲禮天子之五官有司

馬周禮以為政官之率漢為三公之任本任武之官古者軍行則有之左傳晉悼公以魏絳為中軍司馬是也魏晉以後刺史帶將軍開府者則置之自此始為州郡官書周官司馬掌邦政統六師平邦國蔡註夏官之卿主戎馬之事掌國征伐統御六軍平治邦國○吳氏曰司馬參謀軍事之官東關之敗魏嘉平四年吳諸葛恪敗魏師于東關是也○合璧曰東興東關也○衷旨曰此

哀痛父非命於
錄儀所由死以伏哀之不臣于晉之故

是隱居教授三徵七辟皆不就廬于墓側旦夕常至墓所
拜跪攀柏悲號涕淚著樹樹為之枯讀詩至哀哀父母生我劬勞未嘗不三復流涕門人受業者並廢蓼莪我之篇註

辟音壁號平聲著直略切為去聲復音福蓼音六○朝廷名曰徵郡國舉曰辟哀哀父母生我劬勞我詩辭三復謂再三反復誦之廢蓼莪我篇者

疏衷旨曰儀之死昭實哀恐其師哀感故舍之而不誦也

出而同仕其國乎○詩小雅蓼莪我篇曰蓼莪者我匪我伊萬哀哀父母生我劬勞朱傳曰言父母生我之劬勞而重傷也

家貧躬耕計口而田度身而蠶或有密助之者衷皆不聽及司馬氏篡魏衷終身未嘗西向而坐以示不臣于

晉註度音鐸篡初患切○密猶私也聽猶從也逆而奪取而坐不面闕皆痛**疏**計口而田云云吳氏曰計口算家口父非命不忍故爾**疏**所食不多種也度身量家人所衣不

多蠶也○及司馬氏云云司馬懿生師及昭昭生炎昭即安東將軍於魏咸熙二年廢元帝為陳留五炎乃晉世祖武帝追謚司馬昭曰文帝○衷旨曰人曰何不思所以報晉乎曰于時昭亦死子炎自立為晉衷不臣晉則是亦所以報之矣

晉西河人王延事親色養夏則扇枕席冬則以身
温被隆冬盛寒體常無衾衣而親極滋味

註養去聲扇平聲○西河縣

庾黔婁為辱陵令到縣未旬父易在家遘疾黔婁忍心驚
舉身流汗即日棄官歸家家人悉驚其忽至註

辱鈕山切
易音異下

同遘音垢○南南朝齊蕭氏僭國之號黔婁字子貞辱陵

縣名旬十日也易黔婁父名遘遇也熊氏曰父子一體而

分父疾而子心驚疏南史列傳四十○標題庾易字幼簡

汗出自然之理也○疏三子長曰黔婁次於陵次肩吾○度

易見南史列傳四十四及南齊書列傳三十五高逸傳○註

字子貞南史本傳一字貞正○齊蕭氏僭國之號齊太祖

高帝諱道成字紹伯小字關將姓蕭氏漢蕭何二十四世

孫初仕宋以功封齊公進爵齊王竟代宋在位四年年五

十六見南齊書本紀一南史本紀四時易疾始二日醫云欲知差劇但嘗糞

甜苦易泄利黔婁輒取嘗之味轉甜滑心愈憂苦至夕每

稽顙北辰求以身代疏差楚戒切劇音極稽音起顙蘇朗

糞甜則病甚糞苦則病愈也疏或問黔婁父病稽顙北辰

稽顙叩頭也北辰北極也疏求以身代數日而愈果有

此應之理否朱子曰禱是正理自合有應不可謂知其無

此理而姑為之○定直按朱子之言精確可玩但問語作

數日而愈可疑按南史曰聞空中有聲曰微君壽命盡不

復可延汝誠禱既至月未晦而易亡黔婁居喪過禮據此

則不是易病得愈也或病少差經數日而後亡與○衷旨

曰拜辰求代于理亦有是乎孝子之心不論其理之有無

亦其情至○海虞令何子平母喪去官哀毀踰禮每哭踊

頓絕方蘇屬大明末東土饑荒繼以師旅八年不得營葬

晝夜號哭常如袒括之日冬不衣絮夏不就清涼一日以

善行

善行

十一

覆註屬音竹號平聲祖音但衣下為並去聲葺音緝覆敷救切○海虞縣名子平南朝會稽人哀毀踰禮痛傷

過於禮也頓絕遽然氣絕也蘇猶醒也屬猶會也大明年號東土即會稽軍法二千五百人為師五百人為旅營謀

為也袒露臂括括髮人子初喪之禮也**疏**宋書及南史孝義也葺修補也情事未申謂親未葬也**疏**傳○何子平少有

志行事母至孝宋文帝時為吳郡海虞令得祿惟以供母不及妻孥人疑其儉薄子平曰希祿本在養親不在為已

問者慚而退見宋書及南史本傳○哀毀踰禮合璧曰哀戚毀形而過於禮節○大明南朝劉宋孝武帝年號○荒

字彙饑也穀不升曰荒○冬不衣絮云云衷**蔡興宗為會**旨曰衣食居處不求安飽以所求在營葬

稽太守甚加矜賞為營塚壙註下為去聲○矜者憫**疏**蔡宗字興宗見宋書列傳十七及南史○**朱壽昌生七歲父**

守雍出其母劉氏嫁民間母子不相知者五十年壽昌得

四方求之不已飲食罕御酒肉與人言輒流涕註雍去聲壽昌字康叔宋天長人**疏**宋史孝義傳又朱壽昌遺事○

父為雍州太守御用也**疏**集成壽昌父異工部侍郎壽昌受父蔭○宋史本傳曰壽昌母劉氏方娠而出壽昌生數

歲始歸父家○大全曰昌之生母劉氏異之寵人也嫡妻嫉之故異出之嫁民間○衷旨曰何以五十年不相知父

諱之昌亦誤以嫡母為母也○大全曰嫡母已喪壽昌始知其**熙寧初棄官入秦與家人訣誓不見母不復還行**

次同州得焉劉氏時年七十餘矣雍守錢明逸以事聞詔

壽昌還就官繇是天下皆知其孝註繇由同○熙寧年號

也次猶至也明逸字子飛聞謂言之于朝**疏**熙寧宋神宗法棄官不得復就以尋母故優詔許之

曰昌官至閬州及廣德二郡守○吳氏曰同州郡名○集成同州漢馮翊西魏立同州○秦即同州○錢明逸字子

飛知制誥翰林學士知開封府累歷官後端明殿學士知秦州神宗熙寧四年卒贈禮部尚書謚曰修懿見宋史列傳七十六○註優詔字彙曰壽昌再為郡守至是以母故優饒也小補韻會曰寬裕也

通判河中府迎其同母弟妹以歸居數歲母卒涕泣幾喪明拊其弟妹益篤為買田宅居之其於宗族尤盡恩意嫁兄弟之孤女二人葬其不能葬者十餘喪蓋其天性如此

註幾平聲喪明之喪去聲拊音府下為去聲○河中府今蒲州也近同州壽昌嘗為閩廣德二郡守至是以便於養母之故辭郡守而為河中通判拊安慰也推愛母之心而篤於同母弟妹推愛父之心而篤於宗族兄弟蓋至孝出於天性疏合璧曰壽昌已為閩州廣德軍二郡太守今而然也疏再應為郡守至是時以就近養母之故自願改任通判於河中府○同母弟妹吳氏曰弟妹即母嫁民間所生者○本傳曰嫁黨氏有數子悉迎以歸○宗族壽

昌本宗之親屬也

○伊川先生家治喪不用浮屠在洛亦有一二

人家化之註

浮屠佛氏也洛水名在河南

疏遺書蘇季明錄○章句

霍光出入禁闈二十餘年小心謹慎未嘗有過為人沈靜

詳審每出入下殿門進止有常處即僕射竊識視之不失

尺寸註

闈音達下去聲射音夜識音志○光字子孟漢平陽人為大將軍禁闈宮中小門也深沈安靜不浮

躁也精詳審密不麤卒也進止一進一止也即僕射皆官名不失尺寸猶言一步不差耳僕主也古者重射故有是

官關中語轉

疏前漢書列傳三十八○以下實君臣之義射為夜耳

○進止有常處吳訥曰言其步履有常而不易○郎杜

侯馬大將軍昭帝即位年八歲政事壹決光封光為博陸

佑通典郎官謂之尚書郎漢置四人分掌尚書事一人主

匈奴單于營部一人主吏民戶口墾田一人主財帛委輸

○僕射杜佑通典僕射秦官漢因之古者重武官有主射以督課古者重武官以善射者掌政事故曰僕射僕射者僕役於射也一曰僕主也軍屯吏驃宰永巷官人皆有取其領事之號凡此諸官皆有僕射隨所領之事以為號也若軍屯吏則曰軍屯僕射永巷則永巷僕射

○汲黯景帝時為太子洗馬以嚴見憚武帝即位召為主爵都尉以數直諫不得久居位是時太后弟武安侯田蚡為丞相中二千石拜謁蚡弗

為禮黯見蚡未嘗拜句指之註黯乙減切洗與典切數音

黯字長孺漢濮陽人太子洗馬官名以嚴見憚以正直為景帝所敬憚也主爵都尉亦官名以猶因也中滿也中二千石謂九卿之官歲俸滿二千石也蚡負貴而驕人黯獨不為之屈但揖之而已洗之言先也太子出則前導也

疏前漢書列傳二十一景帝諱啓文帝子漢第四主武帝諱徹景帝中子七歲立為太子十六歲即位○太子洗

馬前漢百官表太子洗馬乃太子小傳太傅之屬官也○主爵都尉百官表主爵中尉秦官掌列侯景帝更名都尉

○田蚡田蚡孝景王皇后同母弟也及孝景晚節蚡益貴幸為中太夫武帝即位蚡以舅封為武安侯弟勝為周陽侯六年以蚡為丞相前漢書列傳二十一有傳○中二千石漢以俸祿為階級有中二千石二千石至百石之不同

中二千石月俸一百八十石歲俸踰二千石故曰中○前漢書宣帝紀註師古曰二千石者歲得一千四百四十石實不滿二千石也其曰中二千石者一歲得二千石百六十石舉成數言之故曰中二千石中者滿也上方

招文學儒者上曰吾欲云云黯對曰陛下內多欲而外施仁義奈何欲效唐虞之治乎上怒變色而罷朝公卿皆為

黯懼上退謂人曰甚矣汲黯之戇也註治為皆去聲朝音潮下同黯音撞○上謂武帝云云猶言如此如此蓋言效唐虞之治也心多欲如好征伐好神仙之類唐虞唐堯虞舜也戇愚也帝不

罪黜而容之君疏章句曰黜愚強也○衷音曰多慾一語
 人之度偉也疏人不敢道而黜道之蓋切見帝之隱而
 不憚悖其心以言之○胡氏曰所謂欲者或酒或色或貨
 寶或宮室或遊畋或博奕或書藝圖畫以為文或開土闢
 遠以為武或崇尚佛釋以為清或希慕神仙以為高雖汚
 潔不齊害有大小皆足以變移志慮荒廢政理雖勉於行
 仁仁必不足是以感人心雖強於行義義必不足以正民行
 以其無實也是故人君莫大乎脩身脩身莫大乎寡欲欲
 誠不行則心虛而善入氣平而理勝動無非理事無不善
 唐虞之治不過乎此○真氏曰夫堯舜無欲者也武帝好
 征伐好聲色好刑名好財利好神仙多欲者也多欲則邪
 念紛紜本心流蕩而欲效唐虞施仁義得手○註好征伐
 如擊匈奴伐中大宛是也○帝不罪黜而容之云云益軒先
 生曰此說可疑黜是忠直之士雖有延折於君之過然多
 欲之一言切中帝之病豈有可罪之理乎且忠言逆耳
 耳變色而罷朝甚而至退而後言君人之度何在乎群臣
 或數黜黜曰天子置公卿輔弼之臣寧令從諛承意陷主

於不義乎且已在其位縱愛身奈辱朝廷何註數上聲○
 弼輔德而弼違也從諛承意順疏章句曰輔弼槩指近臣
 從阿諛以奉承上意也已既也

皆起于愛身○註弼疏黜多病病且滿三月上常賜告者數
 違益稷曰予違汝弼疏黜多病病且滿三月上常賜告者數

職居官亡以瘡人然至其輔少主守成雖自謂貴育弗能
 奪也上曰然古有社稷之臣至如汲黯近之矣註數音朝
 瘡音愈

亡音無為火皆去聲貴音奔○漢法病滿三月當免官告
 休假也瘡通作愈病痊也嚴助人姓名時為侍中瘡當作
 踰過也孟賁夏育皆古之有力者言黯之正直若托之擁
 輔幼君以保守成業雖自謂有賁育之勇者亦不能奪其
 大節也然其言也疏吳氏曰告休假也賜其休假以治
 社稷臣能安社稷者疏病也○字彙告居號切休假告曰

告又古祿切義同○小補韻會曰賜告者病三月當免天子優賜其告使帶印綬將官屬歸家養病○標題曰漢律二千石有予告賜告在官有功最得予告歸病滿三月當免所居官特恩優賜其告予告得歸賜告不歸休謁之名吉曰告凶曰寧也○嚴助標題莊助會稽人東漢有莊光子陵後避明帝諱史改莊為嚴○嚴助傳見前漢書六十

四卷○孟賁通考曰孟賁齊之力士能拔生牛角秦武王好多力人賁往歸之○夏育漢書音義曰或曰衛人力舉

鉤大將軍青侍中上踞廁視之丞相弘宴見上或時不冠

至如見黯不冠不見也上嘗坐武帳黯前奏事上不冠望

見黯避帷中使人可其奏其見敬禮如此註宴見之見音現○青衛青

侍中侍於禁中也踞蹲坐也廁牀邊側弘公孫弘宴見宴

閑時進見也嘗曾也武帳帳中置兵衛者可猶是也從其

制則稱疏大將軍青字仲卿武帝元光六年為車騎將軍擊匈奴封平陽侯為大將軍見前漢書列傳二

十五○集成說文廁溷廁也○章句曰廁如溥曰溷也孟

康曰牀邊側也顏師古建安何氏皆以如說為是蓋青常

侍中武帝親狎之故有時踞廁視之也○丞相弘家貧牧

豕海上武帝即位弘六十以賢良徵為博士後至丞相見

前漢書列傳二十八○五雜俎曰武帝如廁見衛青解者

必曲為之說此殊可笑史之記之政甚言帝慢大臣以其

敬黯耳若非溷廁史何必書衛青公主馬前奴也官即尊

貴帝狎之久矣○建安何氏曰武帝踞廁見大將軍不冠

見丞相輕之甚矣然不冠不見黯禮貌雖至信用不篤貌

親而情疎也○京兆李氏曰人臣事君之義有犯者處變

之道人臣所不得已也故孔子立五諫以顯為下汲黯之

諫武帝蓋以是哉武帝徒知敬禮而不能其言卒為多

欲之君也○註齋當作踰過也章句曰齋人之齋史記作

踰過也○制顏師古曰天子之言曰制書謂為制度之命

○初魏遼東公翟黑子有寵於太武奉使并州受布千疋

事覺黑子謀於著作郎高允曰主上問我當以實告為當

諱之允曰公帷幄寵臣有罪首實庶或見原不可重為欺
 罔也中書侍郎崔鑿公孫質曰若首實罪不可測不如姑
 諱之黑子怨允曰君奈何誘人就死地入見帝不以實對
 帝怒殺之註翟音狄使重首為當之為皆去聲并音兵幄
 一 角切 〇 史氏紀事而原其始則曰初此則
 節取其事而失刪也魏元魏太武魏帝覺發覺也允字伯
 恭諱隱諱也帷幄寵臣侍帷幄受寵眷之臣也首自陳也
 宥罪曰原重再也言己受賄若更隱諱是再造欺罔疏魏
 之罪也崔鑿公孫質皆中書侍郎測度姑且誘引也疏書
 及北史高允傳 〇 翟黑子合璧曰姓翟名黑子封遼東公
 太武魏世祖太武帝名燾姓拓跋黃帝之後世居北土至
 拓跋毛威振北方稱威帝其後詰汾大興稱聖武帝至太
 武祖父道武帝珪始建國 〇 太武見魏書本紀四北史本
 紀二受布千疋合璧曰貪賄賂高允字伯恭渤海蓆人漢
 大傳哀之後也少有奇度崔宏異之曰高子黃中內潤文

明外照必為一代偉器仕累官中書令爵威陽公允雖寵
 貴家貧自如武帝嘗幸其第惟艸屋數間布被緇袍厨中
 鹽菜而已帝曰古人清貧豈有此耶加光祿大夫卒年九
 十八贈侍中司空公翼州刺史將軍公如故諡曰文見北
 史列傳十九魏書列傳三十六 〇 有罪首實集成曰有咎
 自陳曰首實衷旨曰允教以勿欺不止免罪其令之知有
 君 〇 崔鑿字神虞博陵安平人頗有文學自中書博士轉
 侍郎賜爵桐廬縣卒贈冠軍將軍青州刺史安平侯諡曰
 康見魏書列傳三十七及北史列傳二十一 〇 公孫質字元
 直有經義為中書學生稍遷博士後超遷尚書卒贈廣陽
 侯諡曰恭見北史列傳十五 〇 註元魏魏初為拓跋氏
 大武玄孫孫孝文帝太和二十年改姓為元氏故號元魏帝
 使允授太子經及崔浩以史事被收太子謂允曰入見至
 尊吾自導卿脫至尊有問但依吾語註崔浩為司徒與允
 等修國書刻石以
 彰直筆太武怒其暴揚國惡收浩誅之將疏太子集成太
 及於允故太子欲指導其生路脫儻若也疏武帝長子晃

延和元年立為太子後監國知萬機至正平元年薨太武嫡孫立是為文成帝追尊父晃為景穆帝見魏書本紀四及北史本紀二○崔浩字伯深崔宏之子有鑒識明元太武之世拔用遠方名士皆浩所為時位司徒神廳二年集諸文士撰錄國書浩等敘成三十卷令史閔湛等諂浩請立石以彰直筆人有忿毒者搆浩於太武浩誅於太平真君十一年六月見魏書列傳二十三○脫章句曰太子自引允見帝為之解說脫免其死罪也視下文脫死之字則脫字當屬上句也○太子見帝言高允小心慎密且微賤合璧亦作脫死說

制由崔浩請赦其死帝召允問曰國書皆浩所為乎對曰臣與浩共為之然浩所領事句多總裁而已至於著述臣多於浩帝怒曰允罪甚於浩何以得生太子懼曰天威嚴重允小臣迷亂失次耳臣疑問皆云浩所為帝問允信如

東宮所言乎對曰臣罪當滅族不敢虛妄殿下以臣侍講日久哀臣欲巧其生耳實不問臣臣亦無此言不敢迷亂

註 羈音向巧音蓋○微賤言其職之卑制著述也多猶皆也總裁謂總其大綱而裁正之紀事曰著纂言曰述失次謂所對失其次序羈猶昔也東宮太子之宮殿下太子之稱巧乞也

疏 表旨曰且微二句正太子欲依吾語也 帝顧謂太子曰直哉此人情所難而允能為之臨死不

易辭信也為臣不欺君貞也宜特除其罪以旌之遂赦之

註 直哉贊其直也 旌之旌其善也 疏 表旨曰一人之情有事發覺重為他日 太子讓允曰吾欲為卿脫死而卿不從何也允曰臣與崔浩實同史事死生榮辱義無獨殊誠何殿下再造之慈違

心苟免非臣所願也太子勳容稱嘆註

為荷皆去聲○讓責也殊異也言當

與浩同之再造猶言再生動容變貌也

允退謂人曰我不奉東宮指導者恐

負翟黑子故也註

靜修劉氏曰高允告黑子之言忠情之直亮而作史者遽繼之以庶或見原則

所謂首實者乃所以為僥倖之資又以不奉東宮指導為恐負黑子則允所以為是者非以理義之當然第以此爾此皆史臣不明義理而於遣辭之際輕為增疏言昔教翟損使允忠亮之心不白豈直筆可信之史乎

罪首實不可為欺罔今我欺君苟免於翟黑子有相負故不奉東宮指導也○註靜修劉氏萬姓統譜元劉因天資穎悟留心性理之學家雖貧非其義一介不取隱居講授

卒贈翰林學士號靜修先生○章句曰愚按靜修言輕為增損深中史氏之病但若不義理之當然無所為而為乃仁者之事高允恬慎廉介臨死不貳可謂賢矣恐未可以仁當之而臆斷其不然矣○合璧曰高允忠亮死生不易其節可謂勿欺之臣惜其恐負黑子便有回護前言之意

恐非無私之衷劉氏以庶或見原為史臣遣辭之罪豈知庶或見原乃庶幾祈免人臣敬慎之至未足為允罪乎○

定直按高允固不可以當理無私心之仁許之也然恐負翟黑子之語未必容議也高允云爾者只是明不可欺君之意耳蓋允嘗教黑子以不欺君之道而今反○李君行自欺君即是傲尤即是所謂恐負翟黑子者也

先生名潛虔州人入京師至泗州留止其子弟請先往君行問其故曰科場近欲先至京師貫開封戶籍取應君行

不許曰汝虔州人而貫開封戶籍欲求事君而先欺君可乎寧遲緩數年不可行也註

虔音乾○君行字潛名宋人應舉欺君矣疏中進士科李朴字先之○合璧曰虔州今江西贛州府是也○泗州郡名○集成曰京師謂開封府唐汴州朱梁開平元年外為東京開封府宋因之金南徙

稱南京今為汴梁路○合璧曰其門生請於君行欲先往
京師李君行問其欲先往之故子弟對曰歲當大比開科
之日已近欲先往京師偽係開封郡戶籍以便應舉君行
不許其請戒曰汝處州人原有戶籍今又係開封郡戶籍
誠為詐也欲求應舉入仕以事君上先萌欺君之心於理
可乎寧可遲緩數年修德問學以俟其命欺君之事不可
也○

○崔玄暉母盧氏嘗誡玄暉曰吾見姨兄屯田郎中辛
玄馭曰兒子從官者有人來云貧乏不能存此是好消息
若聞貧貨充足衣馬輕肥此惡消息吾嘗以為確論註音暉

偉馭音御贊音咨○玄暉名畢唐博陵人仕至宰相姨兄
姨之子長於我者也貧必廉故曰好消息富必貪故曰惡
消息疏中韻會曰勒兵而守田曰屯○杜佑通典曰漢成帝
置尚書郎四人其一一人主戶口墾田蓋尚書屯田郎之始
也○消息字彙曰音信也○定直接消息取往來之義消

往也息來也○合璧曰要以清廉居官者古以貪酷肥
家者凶此萬古不易定論○註玄暉名畢標題玄暉本名
畢父慎字行謹按唐世系博陵大房母盧戒玄暉時為庫
部員外郎後相武后中宗諡文獻三世同財○定直接本
傳玄暉本名畢武后時有所避改焉然則玄暉後所改之
名不是字也

比見親表中仕官者
將錢物上其父母父母但知喜悅竟不問此物從何而來
必是祿俸餘資誠亦善事如其非理所得此與盜賊何別
縱無大咎獨不內愧於心玄暉遵奉教誡以清謹見稱註

別必列切○比近也親同姓表外姓非理所得如竊合
官物剥民財皆是咎罪也言罪雖幸免心實有愧矣疏合
曰崔玄暉遵守母盧氏教訓以清廉謹慎執守職
法見稱于時後仕至唐中宗朝宰相皆母之教也○劉器
之待制初登科與二同年謁張觀參政三人同起身請

教張曰其自守官以來常持四字勤謹和緩中間一後生
應聲曰勤謹和既聞命矣緩之一字某所未聞張正色作
氣曰何嘗教賢緩不及事且道世間甚事不因忙後錯了

註器之名安世宋元城人待制參政皆官名勤以從政謹
以持身和以待人緩以處事未聞猶未喻也賢稱後生
也蓋緩非迂緩不及事之謂耳疏呂氏雜錄及晁氏家語○集
謂乃從容不忙迫之謂耳名府元城縣人世稱元城先生初登科時宋神宗熙寧六
年余中榜進士不就選從溫公學數年始授洛州司法官
至諫議大夫寶文閣待制諡忠定○劉器之見宋史列傳
一三四及言行錄後集十一○張觀字思正絳州絳縣人
少謹愿好學屢歷官後以觀文殿學士知許州月餘拜左
丞卒贈吏部尚書諡文孝見宋史列傳五十一○考異熊
氏曰張觀參政按呂氏雜錄及言行錄皆作李若谷參政
○二同年合璧曰登科友人○起身請教又曰三人起身

致敬請教做官之法○中間一後生又曰三人中內有一
少年者○何嘗教云云又曰緩者遇事當從容詳審以裁
處之何曾教汝怠緩而不及政事○益軒先生曰張觀說
勤謹和緩處事居官須用此四字勤以從政謹以持身和
以待人緩以處事蓋為事固宜敏不可怠慢然為之急遽
不謹則必不免有過失須徐緩而後寡過故程子曰事以
急而敗者十常七八張觀亦曰世間甚事不因忙錯了陳
選曰蓋緩非迂緩不及事之謂乃從容不忙迫之謂耳愚
謂處事而緩則思○伊川先生曰安定之門人往往知誓
精詳精詳則寡過

古愛民矣則於為政也何有註門人如劉彝錢藻孫覺范
義齋之事愛民治事齋疏游定夫錄○衷吉曰誓古則于
之事何有言不難也天下之事理無所疑愛民則于
天下之利害無不昕○安定教人本末詳見本卷實立教
第四條○註劉彝字執中福州人從胡瑗學瑗稱其善治
水凡所立綱紀規式彝力居多第進士為邵武尉調高郵
簿移胸山令凡所以惠民者無不至神宗擇水官以彝悉

東南水利除都水丞丞久雨汴漲議開長城口彛請但啓揚
 橋斗門水即退後屢歷官坐事貶均州團練副使元祐初
 復以都水丞召還病卒于道年七十著七經中義明善集
 居陽集見宋史列傳九十三○錢藻字醇老明逸之從子
 也第進士又中賢良方正科為秘閣校理慈聖后臨朝藻
 三上書乞還政同修起居注知制誥加樞密直學士知開
 封府平居樂易無崖岸而居官獨立守繩墨為政簡靜有
 條理不肯徇私取顯數求退改翰林侍讀學士知審官東
 院卒年六十一神宗知其貧賻錢五十萬贈太中大夫見
 宋史列傳七十六○孫覺字莘老高郵人從胡瑗受學登
 進士第調合肥主簿神宗即位直集賢院為昌王記室王
 問終身之戒為陳諸侯之孝作富貴二箴擢右正言神宗
 將大革積弊覺言弊政固不可不革革而當其悔乃亡神
 宗稱其知理熙寧二年詔知諫院同修起居注知審官院
 為安石所逐出知廣德軍徙湖州松江隄沒水為民患覺
 易以石高丈餘長百里隄下化為良田後屢歷官入為太
 常少卿易秘書少監哲宗即位兼侍讀遷右諫議大夫後
 擢御史中丞數月以疾請罷除龍圖閣學士兼侍講卒年

六十三紹聖中以覺為元祐黨奪職追兩官徽宗即位復
 官職有文集奏議春秋傳見宋史列傳一百三○范純仁
 見嘉言○錢公輔字君倚常州武進人少從胡翼之學第
 進士甲科通判越州為集賢校理同判吏部南曹後同修
 起居注進知制誥英宗即位陳治平十議後謫為滁州團
 練使踰年起知廣德軍神宗立拜天章閣待制知鄧州復
 知制誥入見帝勞苦之使錄十議以進命知諫院遂拂安
 石意罷諫職卒年五十二見宋史列傳八十一○經義齋治
 事齋
 見前○呂榮公自少官守處未嘗干人舉薦其子舜從守
 官會誓人或譏其不求知者舜從對曰勤於職事其他不
 敢不慎乃所以求知也註少去聲會音檜○官守以官
 童蒙訓○集成曰榮公第二子名疑問字舜從本文作仲
 父舜從蓋童蒙訓居仁作也○合璧曰呂榮公自少年在
 官守處未嘗干求他人舉薦其次子名疑問字舜從者守
 官於會誓郡時人或譏議其不求知聞於人以干舉薦

者舜從答言我但勤於職分內所當為之事其他職分外之事則又不敢不謹慎守職如此雖不求知而人必知之此乃所以求知之道也○論語曰不患莫○漢陳孝婦年

十六而嫁未有子其夫當行戍且行時屬孝婦曰我生死

未可知幸有老母無他兄弟備養吾不還汝有養吾母乎

婦應曰諾注婦音庶屬音竹下同養去聲下同○孝疏

傳文小異又溫公家範○章句曰孝婦夫果死

不還婦養姑不衰慈愛愈固紡績織紝以為家業終無嫁

意注慈愛愈固姑慈婦愛愈深固也疏章句曰紡紡線

喪三年其父母哀其少無子而蚤寡也將取嫁之孝婦曰

夫去時屬妾以供養老母妾既許諾之夫養人老母而不

能卒許人以諾而不能信將何以立於世欲自殺其父母

懼而不敢嫁也遂使養其姑二十八年姑八十餘以天年

終盡賣其田宅財物以葬之終奉祭祀注夫音扶○卒終

也夫死不嫁節也養姑而疏合璧曰居守夫喪三年又曰

託於妾妾既以諾其言且夫養人老母而不能盡終是無

義也既應承丈夫之諾而不能踐言是無信也將何者為

黃金四十斤復之終身無所與號曰孝婦注使皆去聲

復音福淮陽即陳州復謂疏列女傳曰以聞漢孝文皇帝

非徒旌其節蓋以教天下之孝也○無所與章句曰徭役皆無所干預也○號曰孝婦合璧曰當時朝廷賜號曰陳孝婦○註淮陽即陳州標題淮陽國後為陳郡後周立陳州隋唐因之宋宣和元年改名淮寧府今復名陳州○

漢鮑宣妻桓氏字少君宣嘗就少君父學父奇其清苦故以女妻之裝送資賄甚盛宣不悅謂妻曰少君生富驕習

美飾而吾實貧賤不敢當禮註少妻之妻並去聲賄音

謂澹泊苦謂憂勤學以清苦而成疏後漢書列女傳○鮑宣好學明經哀帝時

舉孝廉為郎後為諫大夫常上書諫爭累歷官至司隸校尉光武時子孫皆見褒表至大官前漢書四十三有傳○

裝送資賄合璧曰衣裝送贈之儀嫁資財賄甚妻曰大人為富盛○不敢當禮合璧曰不敢當此盛禮

以先生修德守約故使賤妾侍執巾擲既奉承君子惟命

是從宣笑曰能如是是吾志也妻乃悉歸侍御服飾更著

短布裳與宣共挽鹿車歸鄉里拜姑禮畢提甕出汲修行

婦道鄉邦稱之註更平聲著音酌挽音晚○大人稱其父

清苦之謂歸謂還于父家侍御婢妾也服飾疏示蒙句解

資裝也引車曰挽鹿車小車可容一鹿者疏云下著短

布裳則上衣之麤惡亦可知○章句曰鹿車小車可挽者

○風俗通曰俗說鹿車窄小裁容一鹿○東坡詩白首歸

來一鹿車○章句曰甕取水器○又曰此一章言桓氏安

於夫家之貧賤也○益軒先生曰少君能順夫志而捨去

平日所習之美飾侍御自執艱苦真賢女也○合璧曰修

德而少君能成其德○曹爽從弟文叔妻譙郡夏侯文寧之

夫之志尤賢也哉○女名令女文叔蚤死服闋自以年少無子恐家必嫁已乃

斷髮為信其後家果欲嫁之令女聞即復以刀截兩耳居
止常依爽及爽被誅曹氏盡死令女叔父上書與曹氏絕

昏彊迎令女歸註

譙音樵闕音缺斷音短從少皆去聲復扶又切彊上聲○曹爽魏宗室從弟同

祖之弟夏侯覆姓文寧名闕終斷

截誅殺也司馬懿殺爽夷其族

宗室夏侯覆姓漢初滕公之後與曹操同邑里夏侯曹氏

世姻在魏多顯仕夏侯惇七子二孫皆關內侯又曰司馬

宣王殺魏宗室大臣凡八族其一乃曹爽夏侯玄字大初

爽誅召為大鴻臚內不得意與李豐等謀欲誅司馬氏事

泄併夷三族時文寧為梁相憐其少執義又曹氏無遺類其

意阻乃微使人風之令女嘆且泣曰吾亦惟之許之是也

家以為信防之少懈句令女於是竊入寢室以刀斷鼻蒙

被而卧其母呼與語不應發被視之血流滿牀席舉家驚

惶往視之莫不酸鼻註相一作州少風並去聲懈音解斷音短○無遺類盡死也異其意阻

幸其阻守義之意而改適也風謂以言動之惟思也竊私也

也○衷音曰斷鼻者寧毀吾形不欲裂吾節○酸鼻前漢

書鮑宣傳父子夫婦不能相保誠可為酸鼻○後漢書廣

陵思王傳曰觀者鼻酸○文選高唐賦孤子寡婦寒心酸

鼻李善曰酸鼻鼻辛酸淚欲出李周翰曰將泣貌○註相

一作州合璧曰相當作州仕為梁或謂之曰人生世間如

輕塵轉弱艸耳何辛苦乃爾且夫家夷滅已盡守此欲誰

為哉今女曰聞仁者不以盛衰改節義者不以存亡易心

曹氏前盛之時尚欲保終況今衰亡何忍棄之禽獸之行

吾豈為乎註

誰為之為行並去聲○輕塵棲弱草熊氏曰

有纏固也而已曰耳如此曰爾夷誅也疏

守此謂守義不仁不義禽獸之行也疏

鼻○論語巧言亂德章蒙引巧言者以是為非以非為是

聽之使人喪其所守是亂人德也如曹氏令女云云或謂

之云云此所謂巧言也向非令女所守之堅能不為此等

言語所奪乎○合璧曰我夫家曹氏前日榮盛之時尚欲

保守節義以終其身況今衰替亡滅何忍棄背之不守節

義乎○章句曰不仁不義但知牝牡之欲足禽獸也○定

直按義節宜守於衰亡之時仁愛難忍於衰亡之時故謂

全盛之時且欲保其終況於衰亡乎此所以與庸俗異也

○合璧曰不以盛衰改節仁之至也不以存亡易義之

盡也此在大丈夫猶以為難況兒女子者乎今有改節易

心者誠人面獸心其令女之罪人也○章句海虞吳氏曰

魏晉之際廉恥道喪背君父而事仇讐者比肩接踵聞令

女之行寧不愧乎後司馬懿聞而嘉之聽令女乞子養為曹

曹氏後○標題曰司馬宣王聞而嘉之聽使乞子養為曹

氏其子顯名於世事載魏志曹爽傳註引皇甫○唐鄭義

謚列女傳○註泊止息也賜音揚風飛物也

宗妻盧氏略涉書史事舅姑其得婦道嘗夜有強盜數十

持杖鼓譟踰垣而入家人悉奔竄唯有姑自在室盧嘗白

刃往至姑側為賊搏擊幾死註切音仗諫先到切竄取亂

切幾平聲○涉涉水在書史則泛觀之也杖兵器疏唐書

也鼓譟鼓舞呼譟也奔竄奔走竄匿也冒犯也疏列女

又何面目而獨生哉盧氏惟其知之明審於是捐生以赴而不顧其身誦其言千載之下凜然猶有生氣嗚呼天理民彝之在人心中終古而不泯滅者於此見矣

賊去後家人問何獨不懼盧氏曰人所以異於禽獸者以其有仁義也鄰里有急尚相赴救

況在於姑而可委棄乎若萬一危禍豈宜獨生五家為註鄰二十

謂姑獨生謂已謂姑獨生謂已○唐奉天寶氏二女生長艸野幼有志操

永泰中群盜數千人剽掠其村落二女皆有容色長者年

十九幼者年十六匿巖穴間曳出之驅迫以前臨壑谷深

數百尺其姊先曰吾寧就死義不受辱即投崖下而死盜

方驚駭其妹繼之自投折足破面流血群盜乃捨之而去

註長上聲剽音票曳音裔○奉天縣名永泰年號剽掠攻劫也村落村居也匿藏也曳拖也前謂前行捨之謂捨

其疏唐書列女傳○標題曰奉天唐京兆府屬縣名○表旨曰志操二字是不受辱根子○章句曰永泰代宗

年號○註拖與拖同引也○章句曰曳拖引也謂捨其妹定直按捨妹似鑿章句合璧並無此註示蒙句解妹雖不

死捨之而去此從句讀京兆尹第五琦嘉其貞烈奏之詔旌表其門

閻永獨其家丁役註綱音涓○京兆郡尹官疏尹字彙治

官名今俗呼縣令曰令尹○說文尹治也韻會握事者又爾雅曰正也註謂官正也○第五琦字禹圭肅宗時拜相

後為京兆尹德宗贈太子少保唐書列傳七十四有傳○貞女曰烈○讀書錄第六曰所惡有甚于死者人皆有是

心也觀小學所載夏侯令女盧氏賈氏二女之事皆婦人女子非素閑于禮教者一旦臨利害之際寧就殘毀危迫

糜軀之禍而不肯易其節非下所惡有甚于死者能然乎○章句曰以上實夫婦之別

